



TANGKAP layar daripada video CGTN menunjukkan robot jerung itu 'berenang' dalam akuarium di China.

HM 20/10/2024 pg 22

Pengunjung akuarium terkejut jerung paus sebenarnya robot

Beijing: Pengunjung akuarium di Shenzhen, China terkejut apabila mendapati jerung paus gergasi yang dipamerkan di tarikan pelancongan itu, sebenarnya adalah robot.

Portal Independent melaporkan, Xiaomeisha Sea World dibuka semula untuk kunjungan orang ramai pada 1 Oktober lalu dengan menampilkan jerung itu.

Ia selepas tarikan itu ditutup selama lima tahun untuk pengubahsuaian.

Pada minggu pertama pembukaan, tarikan berkeluasannya 60,000 meter persegi itu menarik 100,000 pengunjung. Bayaran masuk 30 pound sterling (kira-kira RM169).

Bagaimanapun, pengunjung kecewa selepas mengetahui jerung di

akuarium di taman itu adalah robot.

Beberapa pengunjung marah menuntut bayaran balik, manakala yang lain menggunakan media sosial mengecam taman itu.

"Tempat itu tidak cukup besar, malah jerung paus itu tiruan.

"Menjelang 3 petang, orang ramai minta bayaran balik," kata seorang pengunjung seperti dilaporkan New York Post.

Pengurusan akuarium mempertahankan tindakan mereka dengan mengatakan pihaknya sudah membelanjakan jutaan yuan China membina robot jerung itu.

Alasannya adalah bagi mematuhi undang-undang China yang mengharamkan perdagangan jerung paus.